

Bosna i Hercegovina
Federacija Bosne i Hercegovine
**SKUPŠTINA KANTONA
SARAJEVO**



Босна и Херцеговина
Федерација Босне и Херцеговине
**СКУПШТИНА КАНТОНА
САРАЈЕВО**

Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Nezavisni odbor
Broj:01-04-276-33-1/20
Sarajevo, 24.11.2020. godine

SKUPŠTINA KANTONA SARAJEVO

O V D J E

PREDMET: Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period juli-septembar 2020. godine - dostavlja se

Nezavisni odbor na sjednici održanoj dana 24.11.2020. godine razmatrao je Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period juli-septembar 2020. godine , a u skladu s članom 45. st.5. Zakona o unutrašnjim poslovima Kantona Sarajevo ("Službene novine Kantona Sarajevo" br.:1/16, 26/19 i 31/19), isti dostavlja Skupštini Kantona Sarajevo, informativno

PREDSJEDNIK

Miroslav Kružik ,s.r.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax:+ 387 (0) 33 562-210
Sarajevo, Reisa Džemaludina Čauševića 1



IZVJEŠTAJ
o radu policijskog komesara Uprave policije Ministarstva unutrašnjih poslova Kantona
Sarajevo za vremenski period juli – septembar 2020. godine

Sarajevo, novembar 2020. godine

Na osnovu odredaba člana 45. stav (5) Zakona o unutrašnjim poslovima Kantona Sarajevo („Službene novine Kantona Sarajevo“, br. 1/16, 26/19 i 31/19) i člana 8. tačka 9) Poslovnika o radu Nezavisnog odbora ("Službene novine Kantona Sarajevo", br. 23/16 i 39/19), Nezavisni odbor Skupštini Kantona Sarajevo dostavlja:

IZVJEŠTAJ
o radu policijskog komesara Uprave policije Ministarstva unutrašnjih poslova
Kantona Sarajevo za vremenski period juli – septembar 2020. godine



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax:+ 387 (0) 33 562-210
Sarajevo, Reisa Džemaludina Čauševića 1



Tokom vremenskog perioda **juli – septembar 2020. godine**, Nezavisni odbor Skupštine Kantona Sarajevo je od policijskog komesara Uprave policije Ministarstva unutrašnjih poslova Kantona Sarajevo (u daljnjem tekstu: Uprava policije), putem podnesenog izvještaja obaviješten da je preduzimaio sljedeće mjere i radnje:

a) Predstavljao Upravu policije neposrednim učešćem i radnim angažmanom na različitim sastancima policijskih agencija, tužilaštva i drugih institucija, usmenom i elektronskom komunikacijom sa vladinim i nevladinim organizacijama, medijima i to kako slijedi:

Dana 01.07.2020. godine, u prostorijama Kantonalnog tužilaštva Kantona Sarajevo održao sastanak sa tužiteljima Kantonalnog tužilaštva Kantona Sarajevo, na temu međusobne saradnje u određenim konkretnim predmetima, dana 06.07.2020. godine, prisustvovao sastanku sa Premijerom Vlade Kantona Sarajevo u prostorijama Kantona Sarajevo, dana 07.07.2020. godine održao sastanak sa atašekom ambasade Francuske u BiH, prisustvovao uručanju donacije dezinfekcionih sredstava od strane predstavnika ambasade SAD u BiH, u prostorijama Uprave policije održao sastanak sa predstavnicima ambasade SAD u BiH i istražiteljima FBI na temu borbe protiv korupcije u Kantonu Sarajevo, dana 09.07.2020. i 21.07.2020. godine, u prostorijama Vlade Kantona Sarajevo prisustvovao sjednici Vlade Kantona Sarajevo, dana 17.07.2020. i 23.09.2020.godine, prisustvovao sjednici Komisije za sigurnost Skupštine Kantona Sarajevo, dana 20.07.2020, godine, u prostorijama Kantonalnog tužilaštva Kantona Sarajevo prisustvovao sastanku sa tužiteljima Kantonalnog tužilaštva Kantona Sarajevo, na temu međusobne saradnje u određenim konkretnim predmetima, dana 22.07.2020. godine, prisustvovao press konferenciji u organizaciji ambasade SAD u BiH i Ureda za borbu protiv korupcije, dana 29.07.2020. godine, u prostorijama ambasade SAD u BiH prisustvovao sastanku sa gosp. Erik Larson, savjetnikom za borbu protiv korupcije, dana 03.08.2020. godine, u prostorijama Kantona Sarajevo, održao sastanak sa Premijerom Vlade Kantona Sarajevo, dana 06.08.2020. godine, u prostorijama Uprave policije održao sastanak sa postupajućim tužiteljima Kantonalnog tužilaštva Kantona Sarajevo na temu postupanja u određenim konkretnim predmetima, dana 17.08.2020.godine, u prostorijama Uprave policije održao sastanak sa direktorom ANL i predstavnicima ambasade SAD u BIH, dana 08.09.2020. godine, u prostorijama Uprave policije održao sastanak sa predstavnikom OHR-a gosp. Haner, dana 15.09.2020. godine i 16.09.2020. godine prisustvovao sjednici Kordinacije direktora FUP sa komesarima MUP-a, dana 22.09.2020. godine, prisustvovao sjednici Nezavisnog odbora, dana 24.09.2020. godine, u prostorijama Uprave policije, održao sastanak sa predstavnicima austrijskog kontingenta EUFOR-a u BiH, dana 25.09.2020. godine, u prostorijama Kantona Sarajevo prisustvovao radno-konsultativnom sastanku sa predstavnicima Vlade Kantona Sarajevo na temu izgradnje objekta za potrebe Uprave policije, dana 22.09.2020. godine i 30.09.2020. godine, u prostorijama Kantona Sarajevo prisustvovao sastanku predstavnika Sindikata policije Kantona Sarajevo sa predstavnicima Vlade Kantona Sarajevo, na temu kolektivni ugovor,

b) Sve mjere i radnje preduzimaio je uvažavajući prioritete date od strane Vlade Kantona Sarajevo

i Komisije za sigurnost Skupštine Kantona Sarajevo, te smatra da je ostvario odličnu saradnju sa ministrom, Jusko Ismirom.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax:+ 387 (0) 33 562-210
Sarajevo, Reisa Džemaludina Čauševića 1



c) Tokom izvještajnog perioda, ažurno, prema planiranoj i datoj dinamici u oblasti upravnog rješavanja, donosio je odluke (rješenja i dr.) koje se odnose na rješavanje radno-pravnog statusa uposlenika .

U izvještajnom periodu juli - septembar 2020. godine, naložio je izmjene i dopune modula Kadrovskih evidencija za sve uposlenike Uprave policije MUP-a Kantona Sarajevo (elektronska baza podataka), te je u tom smislu inicirao poduzimanje aktivnosti na testiranju navedenog modula, kao i ažuriranju podataka o stažu osiguranja za uposlenike Uprave policije MUP-a Kantona Sarajevo.

S obzirom da dopuna modula Kadrovske evidencije pruža mogućnost da se elektronski dosije dopuni sa skeniranim dokumentima, inicirao je poduzimanje aktivnosti na sačinjavanju prijedloga i primjedbi na izgled elektronskog personalnog dosjea, odnosno na dokumente koje će isti sadržavati.

U svrhu realizacije gore navedenih aktivnosti inicirao je održavanje sastanaka sa predstavnicima FZ PiO i predstavnicima firme "OCEAN", koja je izvršila izmjene i dopune modula Kadrovske evidencije, kako bi se osigurala potrebne tehničke pretpostavke za obradu i ažuriranje staža osiguranja uposlenika Uprave policije MUP-a Kantona Sarajevo.

d) U izvještajnom periodu, pored prioriteta određenih od strane Vlade Kantona Sarajevo i planskih prioriteta Uprave policije koji se odnose na efikasne preventivne mjere i radnje (pozorno-patrolna djelatnost, rad policije u zajednici, kampanje i sl.), kvalitetne operativne aktivnosti usmjerene na rasvjetljavanje najtežih i najsloženijih krivičnih djela, nastavio je na provođenju normativnih aktivnosti za koje je ovlašten u dva oblika: donošenje propisa po osnovu izričite zakonske odredbe ili dostavljanjem ministru nacrtu i prijedloga propisa ili izmjena i dopuna propisa iz djelokruga rada Uprave policije (član 23. stav (3), tačka d) Zakona).

Tokom vremenskog perioda juli – septembar 2020. godine preduzeo je niz aktivnosti i dao lični doprinos na realizaciji normativnih aktivnosti na donošenju zakona koji su planirani Programom rada Skupštine Kantona Sarajevo, broj 01-04-10784/20 od 23.04.2020. godine.

Između ostalog, predložio je Zakon o izmjenama i dopunama Zakona o prekršajima protiv javnog reda i mira, a koje se odnose na propisivanje prekršaja nepostupanja po naredbi nadležnog organa kojim se propisuju mjere za zaštitu stanovništva od zaraznih bolesti.

Ovaj zakon je jednoglasno donesen od strane Skupštine Kantona Sarajevo, na sjednici održanoj dana 27.08.2020. godine.

Obzirom da je Programom rada Skupštine Kantona Sarajevo za 2020. godinu planirano donošenje novog Zakona o prekršajima protiv javnog reda i mira na području Kantona Sarajevo, tokom mjeseca septembra je aktivno učestvovao i davao upute za sačinjavanje prijedloga nacrtu ovog propisa.

Pored vlastitog angažmana, odredio je predstavnike Uprave policije koji su učestvovali u Radnoj grupi formiranoj od strane ministra unutrašnjih poslova, te u tom smislu pripremili potrebnu dokumentaciju koja je upućena Vladi Kantona Sarajevo na nadležno postupanje, a odnosi se na



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



prijedloge:

1. Zakona o izmjenama i dopunama Zakona o unutrašnjim poslovima Kantona Sarajevo i
2. Zakona o izmjenama i dopunama Zakona o policijskim službenicima Kantona Sarajevo.

U izvještajnom periodu na njegov prijedlog, ministar je donio sljedeće propise:

1. Pravilnik o poklonima i reprezentaciji u Ministarstvu unutrašnjih poslova Kantona Sarajevo,
2. Pravilnik o postupku direktnog sporazuma i
3. Instrukcija o izgledu, obilježavanju, opremi u vozilu, registraciji i korištenju vozila Uprave policije Ministarstva unutrašnjih poslova Kantona Sarajevo.

Nakon donošenja naprijed navedenih zakona, proaktivno je djelovao i intenzivirao aktivnosti radne grupe na sačinjavanju i predlaganju donošenja određenih provedbenih propisa, po prioritetima, a naročito sljedećih propisa:

1. Uredba o sadržaju, izgledu, dodjeli i oduzimanju činova policijskim službenicima Uprave policije Ministarstva unutrašnjih poslova Kantona Sarajevo,
2. Uredba o policijskoj znački i službenoj iskaznici policijskih službenika Uprave policije Ministarstva unutrašnji poslova Kantona Sarajevo,
3. Pravilnik o sadržaju, načinu i rasporedu testiranja i sistema bodovanja kandidata u procesu odabira policijskih službenika u Upravu policije Ministarstva unutrašnjih poslova Kantona Sarajevo,
4. Pravilnik o postupku izbora i zapošljavanja policijskih službenika iz drugih policijskih organa u Bosni i Hercegovini u Upravu policije Ministarstva unutrašnjih poslova Kantona Sarajevo,
5. Pravilnik o disciplinskom postupku i odgovornosti policijskih službenika u Upravi policije Ministarstva unutrašnjih poslova Kantona Sarajevo i
6. Pravilnik o radu Jedinice za profesionalne standarde u Upravi policije Ministarstva unutrašnjih poslova Kantona Sarajevo.

U Službenim novinama Kantona Sarajevo je objavljen Pravilnik o izgledu, dijelovima i boji posebne uniforme i dopunskih dijelova uniforme policijskih službenika Uprave policije Ministarstva unutrašnjih poslova Kantona Sarajevo.

e) U izvještajnom periodu juli - septembar 2020. godine, blagovremeno i zakonito je odlučivao o svim pravima, obavezama i odgovornostima iz radnih odnosa policijskih službenika, državnih službenika i namještenika.

f) Nakon zakonito provedenih internih postupaka donio je 4 rješenja o izricanju disciplinske sankcije za lakšu povredu službene dužnosti.

g) i h) U izvještajnom periodu, shodno usvojenom budžetu, u dijelu koji se odnosi na Upravu policije, preduzimao je potrebne mjere i aktivnosti na obezbjeđenju neophodnih materijalno-tehničkih pretpostavki za uspješno obavljanje poslova i zadataka iz djelokruga rada Uprave policije



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



Ministarstva unutrašnjih poslova Kantona Sarajevo.

i) Na zahtjev ministra ili po potrebi dostavljeni su potrebni izvještaji, informacije i preporuke i to:

Uredu za borbu protiv korupcije i upravljanje kvalitetom Kantona Sarajevo dostavljeno je:

- informacija o problemima u realizaciji Ugovora o nabavci balističkih prsluka, te upućen zahtjev za stručnu pomoć i superviziju u postupku javne nabavke vozila za specijalne namjene.

Pravobranilaštvu Kantona Sarajevo dostavljen je:

- zahtjev za davanje pravnog mišljenja u pogledu daljeg postupanja u realizaciji Ugovora o nabavci balističkih prsluka.

Agenciji za javne nabavke BiH dostavljen je:

- upit za mišljenje o preferencijalnom tretmanu domaćeg u postupku javne nabavke tonera, kertridža i ribona za potrebe Uprave policije Ministarstva unutrašnjih poslova Kantona Sarajevo.
- Na zahtjev Agencije za javne nabavke Bosne i Hercegovine dostavljeno je izjašnjenje o provedenim postupcima javnih nabavki i zaključenim ugovorima o nabavci sa imenovanim ponuđačima.
- molba za mišljenje vezano za obračun umanjenja cijena na osnovu prethodne obavijesti o promjeni cijena (OPC obrazac) pogonskog goriva za motorna vozila u postupku nabavke putem e-aukcije.

Kabinetu ministra Ministarstva unutrašnjih poslova Kantona Sarajevo dostavljeno je sljedeće:

- informacija o funkcionisanju sistema veze u Upravi policije.

Ministarstvu unutrašnjih poslova Federacije BiH upućena je:

- molba za saglasnost za postavljanje skladišnog kontejnera za smještaj i čuvanje deponovanih pirotehničkih sredstava u magacinu Rakovica.

Kompaniji BH TELECOM d.d. Sarajevo upućena je:

- molba za produženje roka za testiranje usluga multimedijalnog prenosa podataka na 4G mreži i omogućavanje pristupa internetu testnog APN-a.

Grupi ponuđača Danials d.o.o. Tešanj i Koteks d.o.o. Tešanj dostavljeno je obavještenje da je



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



u toku analiza isporučenog uzorka u vezi sa ugovorom „Nabavka balističkih prsluka“.

j) U skladu sa svojim ovlastima, analizirao je potrebe Uprave policije za uposlenicima, te je u tom smislu naložio pripremu za preduzimanja nadležne aktivnosti (npr. prijem novih policijskih službenika u skladu sa Zaključkom Vlade Kantona Sarajevo, nakon usvajanja izmjena i dopuna Zakona iz tačke d) ovog izvještaja).

k) U dijelu koji se odnosi na donošenje rješenja, i u dijelu koji se odnosi na normativne aktivnosti, kao i kod prethodne tačke, prezentirao je konkretne podatke o formiranju stručnih komisija i radnih tijela, a čija aktivnost je neophodna za realizaciju niza poslova i zadataka iz nadležnosti Uprave policije.

l) Neposredno, kao i putem nadležnih organizacionih jedinica Uprave policije, pratio je realizaciju Plana i programa stručnog usavršavanja policijskih službenika Ministarstva unutrašnjih poslova Kantona Sarajevo za 2020. godinu, kao i Plana i programa stručnog osposobljavanja, usavršavanja i obrazovanja državnih službenika i namještenika Uprave policije za 2020. godinu.

Planom predviđene programe interne i eksterne edukacije, pohađalo je ukupno **119** policijskih službenika.

Sagledavajući izvještaje o provođenju Programskih aktivnosti na polju edukacije i stručnog osposobljavanja policijskih službenika u prethodnim godinama, te realizacije predviđenih aktivnosti sa pregledom tematskog sadržaja i broja prisutnih policijskih službenika, kroz rad Odjeljenja za edukaciju Ureda policijskog komesara, kada je u pitanju stručno usavršavanje policijskih službenika nastavio je sa davanjem prednosti organizovanja i izvođenja specijalističkih obuka koje su planirane Planom i programom stručnog usavršavanja policijskih službenika Uprave policije Ministarstva unutrašnjih poslova Kantona Sarajevo, broj 02/1-9/19 od 15.01.2020. godine, a koje podrazumijevaju provođenje specijalističkih obuka kroz program internog i eksternog stručnog usavršavanja policijskih službenika.

U navedenom izvještajnom periodu, naglašava da zbog sprečavanja širenja pandemije korona virusom COVID-19, te naredbi, odluka i obavezujućih preporuka Kriznog štaba Ministarstva zdravstva Vlade Federacije Bosne i Hercegovine na sprečavanju širenja infekcije ovim virusom na području Federacije BiH, kao i odluka Kriznog štaba Ministarstva zdravstva Vlade Kantona Sarajevo, veliki broj planiranih aktivnosti koje su trebale biti organizovane od strane Odjeljenja za edukaciju Ureda policijskog komesara, ali i subjekata izvan Uprave policije, su odgođene do daljnjeg.

U navedenom izvještajnom periodu, pokrenuo je aktivnosti u vezi nabavke informatičkog sistema kroz web platformu za učenje na daljinu, kako bi se moduli stručnog usavršavanja policijskih službenika organizirali i realizirali kroz online internu i specijalističku obuku, u skladu sa trenutnim i budućim epidemiološkim mjerama. Takav jedan alat kao što je web platforma za učenje online na daljinu bi morao da omogućava administratorima i korisnicima istog interaktivnu nastavu u formi webinaru, virtualno organiziranje stručnih kolegija, edukativnih radnih sastanaka, online testiranja, uz pristup mnogim drugim modernim sadržajima, koji bi unaprijedili obavljanje poslova i zadataka iz nadležnosti Odjeljenja za edukaciju u Uredu policijskog komesara. Nabavka najprikladnijeg informatičkog sistema web platforme za učenje na daljinu, je u proceduri u saradnji



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



sa Sektorom informatike Ministarstva unutrašnjih poslova Kantona Sarajevo.

Napominje, da je inicirao i stvorio preduvjete za saradnju sa fakultetima Univerziteta u Sarajevu i sa drugim subjektima izvan Uprave policije kada su u pitanju specijalističke obuke kroz program eksterne edukacije, koje su organizovane od strane drugih državnih organa, agencija, organizacija, asocijacija, udruženja, međunarodnih ili međudržavnih programa pomoći u obukama pripadnika Agencija za provođenje zakona i drugih subjekata izvan Uprave policije MUP-a Kantona Sarajevo. U navedenom izvještajnom periodu, kroz program eksternog stručnog usavršavanja, a koje podrazumjevaju učešće policijskih službenika u oblicima edukacije koji su organizovani od strane drugih državnih organa, organizacija, asocijacija i drugih subjekata izvan Uprave policije Ministarstva – eksterni oblici edukacije, ukupno je prošlo 119 policijska službenika.

S tim u vezi, posredstvom Odjeljenja za edukaciju u Uredu policijskog komesara poduzeo je niz aktivnosti, kao što su:

- Testiranje zainteresovanih kandidata iz poznavanja rada na računaru i engleskog jezika, radi učestovanja u mirovnim misijama Ujedinjenih naroda u organizaciji Ministarstva sigurnosti Bosne i Hercegovine,
- Radni edukativni sastanak u okviru projekta "Jačanje kapaciteta vlada da uključe organizacije civilnog društva u procese odlučivanja u Bosni i Hercegovini",
- Obuka u pilotiranju dronovima , koji su kupljeni putem javne nabavke i isporučeni od strane izabranog dobavljača , koji ima obavezu u skladu klauzulom Ugovora, da izvrši obuku ljudi koji će biti nominovani za pilotiranje ovim dronovima,
- Obuka izgradnje kapaciteta - psiholozi pri tužilaštvima, sudski vještaci i psihološke struke/dječiji psiholozi u sklopu Projekta "Pristup prevenciji trgovine ljudima u BiH fokusiran na žrtvu; poboljšanje identifikacije, zaštite i pristupa pravdi - VICAPT",
- On-line radionici s ciljem upoznavanja sa konkretnim koracima korišćenja baza INTERPOL-a (DIAL DOC, Edison TD i AFIS Gateway),
- RPZ - Radionica za obuku policijskih službenika i nastavnika za implementaciju PSP modula u osnovnim i srednjim školama uključenim u program "Socijalizacija s pravom" u četvrtoj programskoj godini,
- Radionica - Podizanje svijesti o rodno zasnovanom nasilju i seksualnom uznemiravanju na radnom mjestu,
- Edukacija za policijske službene, uposlenike Centra za socijalni rad i škola - Digitalno okruženje i odgojne preporuke, u sklopu predviđenih aktivnosti Akcionim planom za prevenciju maloljetničkog prijestupništva i rad sa maloljetnicima u kontaktu sa pravosudnim



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



sistemom KS 2020 -2022,

- Edukativni radni sastanak organizovanog od strane Federalnog ministarstva unutrašnjih poslova između predstavnika: Ministarstva unutrašnjih poslova Kantona Sarajevo, Ministarstva unutrašnjih poslova Srednjo-Bosanskog Kantona, Ministarstva unutrašnjih poslova Zeničko-Dobojskog Kantona, Ministarstva unutrašnjih poslova Bosansko-Podrinjskog Kantona i Ministarstva unutrašnjih poslova Hercegovačko-Neretvanskog Kantona, sa predstavnicima Federalnog ministarstva unutrašnjih poslova i predstavnika pravnog subjekta Lucid Linx doo Sarajevo. Jedan od ciljeva sastanka je bio: unapređenje kapaciteta pružaoca usluga za pružanje usluga osobama koje su preživjele nasilje usmjereno prema ženama i djevojčicama u skladu s odredbama Istanbulske konvencije, utvrditi mogućnost unaprijeđenja interne strukture kantonalnih ministarstava unutrašnjih poslova u Federaciji BiH kod postupanja u slučajevima nasilja u porodici, definisanje mogućnosti strukturiranog pristupa obrazovanja policijskih službenika na temu nasilje u porodici, definisanje sadržaja obuka i obrazovnih rezultata za policijske službenike koji rade na predmetima nasilja u porodici,
- Radionica - Podizanje svijesti o rodnoj ravnopravnosti u policiji za najviše rukovodioce,
- Radni edukativni sastanak predstavnika "UNDSS" - UNITED NATIONS DEPARTMENT OF SAFETY AND SECURITY, radi ostvarivanja međusobne saradnje na polju edukacije policijskih službenika, u vezi dogovora oko organizovanja i izvođenja edukacija za policijske službenike Uprave policije iz oblasti postupanja sa migrantima, ilegalnim ili neregularnim, koji se zateknu na prostoru Bosne i Hercegovine odnosno prostoru Kantona Sarajevo,
- RPZ - Radionica za obuku policijskih službenika i nastavnika za implementaciju PSP modula u osnovnim i srednjim školama uključenim u program "Socijalizacija s pravom" u četvrtoj programskoj godini,
- Poziv za učešće u obuci za članove Koordinacionog tima za borbu protiv trgovine ljudima na temu Borba protiv trgovine ljudima.

Postupao je po aktima Ministarstva sigurnosti BiH, kroz program izbora za učestvovanje u programu UN Mirovnih misija, a koje podrazumijevaju, učestvovanje policijskih službenika Uprave policije u mirovnim misijama na kriznim žarištima svijeta, kojom prilikom je jedan policijski službenik Uprave policije ispunio uslove i upućen u Mirovnu misiju UN-a – UNFICYP na Kipar.

m) Putem nadležnih Sektora i Odjeljenja, u skladu sa odredbama Instrukcije o hitnom, tekućem, povremenom i statističkom izvještavanju Uprave policije Ministarstva unutrašnjih poslova Kantona Sarajevo, preduzimao je mjere na organizaciji i funkcionisanju jedinstvenog sistema izvještavanja i obrade podataka neophodnih za vršenje poslova iz nadležnosti Uprave policije, a prilikom obrade podataka postupa se po uspostavljenom sistemu zaštite osobnih podataka, kao i po dostignutom stepenu razvoja sistema zaštite tajnih podataka.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



Nakon upućenih zahtjeva Sektoru za zaštitu tajnih podataka u Ministarstvu sigurnosti BiH, za obavljanje nadzorne posjete u Upravi policije i Ministarstvu unutrašnjih poslova Kantona Sarajevo, kako bi se sigurnosno područje za zaštitu tajnih podataka u objektu Ministarstva u sjedištu, nakon toga certificiralo i stavilo u funkciju, u službenoj korespondenciji je usaglašeno da prije konačne nadzorne posjete službenici Odjeljenja za informatiku pri Ministarstvu sigurnosti BiH, prethodno iz svoje nadležnosti provedu određena „TEMPEST“ mjerenja i kontrole (mjerenje i analiza postojanja uslova da se u sigurnosnom području obrađuju tajni podaci u elektronskoj formi – informatička sigurnost), što je izvršeno kroz sljedeće aktivnosti:

- upotrebom odgovarajuće opreme, od strane službenih lica Sektora za zaštitu tajnih podataka u Ministarstvu sigurnosti BiH i Uprave policije, izvršeno je TEMPEST mjerenje/zoniranje vezano za prostorije sigurnosnog područja u objektu Ministarstva unutrašnjih poslova Kantona Sarajevo u sjedištu i u objektu Policijske stanice Vogošća.
- koordinirane su i provedene aktivnosti na izboru ovlaštene firme i potpisivanju ugovora o
- održavanju i ispitivanju ispravnosti ugrađene opreme u sigurnosno područje u objektu Ministarstva u sjedištu, te je izvršeno i prvo probno ispitivanje/testiranje ispravnosti građene opreme, o čemu je izdata potvrda/zapisnik.

Nakon realizacije naprijed navedenih aktivnosti, Ministarstvu sigurnosti BiH, je uputio zahtjev za obavljanjem nadzornih aktivnosti na ocjeni minimuma neophodnih uslova za uspostavu sigurnosnog i administrativnog područja u objektu Ministarstva u sjedištu.

U izvještajnom periodu je donio jedno (1) rješenje o nepostojanju sigurnosne smetnje za pristup tajnim podacima, dok je Ministarstvu sigurnosti Bosne i Hercegovine uputio zahtjev za izdavanje ukupno devet (9) dozvola za pristup tajnim podacima za uposlenike Uprave policije.

Takođe je Ustavnom sudu Bosne i Hercegovine, uputio odgovor/izjašnjenje na apelaciju policijskog službenika, za kojeg su utvrđene sigurnosne smetnje.

Ostale aktivnosti iz oblasti zaštite tajnih podataka obavljaju se kontinuirano, u skladu sa odredbama Zakona o zaštiti tajnih podataka („Službeni glasnik BiH“, br. 54/05 i 12/09) i na osnovu istog donesenih provedbenih propisa, odnosno vrše se sigurnosne provjere uposlenika, donose se potrebna rješenja o postojanju/nepostojanju sigurnosnih smetnji, razmjenjuje službena dokumentacija s nadležnim državnim organima (policijske agencije, sudovi, pravobranilaštvo), te ažurira poseban dio personalnih dosijea u vezi sa sigurnosnim provjerama.

n) Putem nadležnog Odjeljenja raspisivane su i obustavljane centralne potjernice po naredbi nadležnih sudova, tako da je u izvještajnom periodu raspisano 28, a obustavljeno 23 centralnih potjernica, uz napomenu da su u tom periodu raspisivane i oglašavane i različite potrage operativnog karaktera.

o) Redovno je učestvovao na sastancima Koordinacije direktora Federalne uprave policije i policijskih komesara kantonalnih ministarstava unutrašnjih poslova (navedeno pod tačkom a) ovog izvještaja), uzimao aktivno učešće i davao određene prijedloge na unapređenju saradnje između policijskih agencija na rješavanju sigurnosnih izazova i prijetnji (npr. migranti, turisti i sl.). Takođe je dao i inicijativu za izmjenu Uredbe o jedinstvenoj uniformi u Federaciji Bosne i Hercegovine, na osnovu koje će se izmijeniti izgled i kvalitet trenutne uniforme, a čime će se zadovoljiti svi standardi, tehničke i specifične pojedinosti, te klimatski i geografski uslovi neophodni za adekvatan



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



i efikasan rad policijskih struktura u Federaciji BiH. Realizacija navedene je neophodna obzirom da je važeća Uredba donesena 2010. godine, te da su trenutne uniforme zastarjele i više ne zadovoljavaju potrebe policijskih službenika u Federaciji BiH.

p) U pojedinim dijelovima ovog izvještaja prezentirane su redovne aktivnosti koje je imao u dijelu koji se odnosi na pripremu programa (npr. u normativnom dijelu), informacija, analiza i drugih materijala iz djelokruga rada Uprave policije, a na zahtjev ministra, Vlade Kantona Sarajevo ili na vlastitu inicijativu.

r) Pod tačkom b) ovog izvještaja konstatovao je da je imao odličnu saradnju sa ministrom, sa kojim je svakodnevno ostvarivao kontakte, informisao ga i izvještavao o ukupnom stanju sigurnosti i o konkretnim događajima, a u skladu sa odredbama posebnog propisa.

s) Nastavljena je dobra saradnja sa elektronskim medijima, dnevnim i sedmičnim listovima u Bosni i Hercegovini i inostranstvu, koji su objavili veći broj vijesti i intervjuua u vezi sa stanjem javnog reda, kriminaliteta i sigurnosti saobraćaja na području Kantona Sarajevo.

OSTALE AKTIVNOSTI:

Borba protiv korupcije i dalje je jedan od prioriteta rada Uprave policije, pa je s tim u vezi u ovom vremenskom periodu dat akcenat na borbu protiv korupcije unutar Uprave policije i Ministarstva. S tim u vezi inicirao je i koordinirao provođenje akcije kodnog naziva "DAR 1", kojom prilikom je Odjeljenje za privredni kriminal sektora kriminalističke policije nakon poduzimanja višemjesečnih istražnih radnji, lišilo slobode 18 policijskih službenika Jedinice za saobraćaj, Uprave policije MUP-a Kantona Sarajevo, za koje postoje osnovi sumnje da su počinili veći broj krivičnih djela primanja dara i drugih oblika koristi, zloupotrebe položaja ili ovlaštenja i drugih krivičnih djela.

U saradnji sa Sektorom kriminalističke policije preduzimaio je mjere i radnje nadzora i stalnog animiranja rada odjeljenja u Sektoru kriminalističke policije koja su nadležna za rasvjetljavanje najtežih oblika krivičnih djela iz oblasti privrednog kriminala, krvnih i seksualnih delikata, imovinskih delikata i narkomanije, te direktno ili preko načelnika Sektora kriminalističke policije koordinirao njihovim aktivnostima. Bitno je napomenuti da su Odjeljenja u Sektoru kriminalističke policije u izvještajnom periodu rasvjetlila veći broj vrlo složenih krivičnih djela.

Akcent rada, je takođe stavio i na borbu protiv zloupoteba opojnih droga, te u tom pravcu podsticao i pratio zakonitost rada Odjeljenja za borbu protiv zloupoteba opojnih droga, koje je u izvještajnom periodu provelo veći broj akcija različitih kodnih naziva i to: "ZASAD", "BRZINA", "BLAŽUJ", "DŽINDAS 2", "TRAVA", "DARE" i "KENO".

Takođe je inicirao preduzimanje mjera koje su imale za cilj, pronalazak lica koja narkotička sredstva distribuiraju (dilaju) među licima koja pripadaju migrantskoj populaciji, a jedna od tih mjera je bio i pretres prihvatnog centra za migrante - "Kamp Blažuj" u sklopu kojeg je pretrešeno



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210

Sarajevo, Reisa Džemaludina Čauševića 1



više objekata i pregledano oko 1700 lica, pri čemu su kod 48 lica pronađeni i oduzeti predmeti koji će služiti kao dokazi prilikom njegovog procesuiranja.

Poseban segment u njegovom radu bilo je iniciranje, planiranje i realizacija mjera na preveniranju i zakonskom procesuiranju osoba migrantske populacije koje su na Kantonu Sarajevo vršile protupravne radnje.

S tim u vezi postupano je po Planu preduzimanja odgovarajućih mjera i radnji iz nadležnosti Službe za poslove sa strancima i Uprave policije na sprečavanju i sankcionisanju svih oblika nezakonitog ponašanja migranata, smještaja i drugih aktivnosti u vezi sa migrantima na području Kantona Sarajevo, kojim se planiraju mjere i radnje koje će ove dvije službe zajednički preduzimati s ciljem pokušaja spriječavanja i saniranja posljedica koje mogu nastupiti po građane Kantona Sarajevo usljed mogućeg povećanog priliva migranata na području Kantona Sarajevo, pogotovo u kontekstu sprječavanja širenja zaraze prouzrokovane virusom COVID 19.

Aktivno je usmjeravao aktivnosti u rješavanju problematike po pitanju migranata na području Kantona Sarajevo, tako da su policijski službenici Uprave policije MUP-a Kantona Sarajevo izvršili kontrolu ukupno 1996 migranata, od čega je 319 prevezeno i smješteno u prihvatne centre "Ušivak" i "Blažuj", a osamnaest (18) u Imigracioni centar Istočno Sarajevo i dva u azilantski centar "Delijaš".

Koordinirao je i nadzirao provođenje Operativnog plana Uprave policije broj 02-86-1/19 od 09.07.2019. godine, za sprječavanje i sankcionisanje svih oblika nezakonitog ponašanja migranata, postupanja, smještaja i drugih aktivnosti u vezi migranata na području Kantona Sarajevo, u saradnji sa službenicima Ministarstva sigurnosti Bosne i Hercegovine, Međunarodne organizacije za migracije (IOM), a uz koordinaciju Operativnog tima za pitanje migranata, organizacione jedinice Uprave policije provodile su akcije u cilju pronalaska i sklanjanja migranata sa otvorenih prostora i privatnih objekata u Kantonu Sarajevo te stavljanja pod punu kontrolu i ograničenja kretanja istih u prihvatnim centrima "Ušivak" i "Blažuj".

Tokom vršenja poslova i zadataka, policijski službenici Uprave policije MUP-a Kantona Sarajevo kontrolisali su ukupno 1996 migranata, od čega je 319 prevezeno i smješteno u prihvatne centre "Ušivak" i "Blažuj", 18 u Imigracioni centar Istočno Sarajevo i dva u azilantski centar "Delijaš".

Koordinirao je provođenje operativne akcije kodnog naziva "BLAŽUJ", kojom prilikom su policijski službenici Uprave policije MUP-a Kantona Sarajevo, uz asistenciju Službe za poslove sa strancima BiH, provodili mjere i radnje iz svoje nadležnosti.

Planske aktivnosti provedene su po naredbi Općinskog suda u Sarajevu, pod nadzorom Kantonalnog tužilaštava Kantona Sarajevo, shodno operativnom planu Odjeljenja za borbu protiv zloupotreba opojnih droga, u privremenom prihvatnom centru „Blažuj” koji se nalazi u ulici Kamenolom broj 20, općina Ilidža.

Nadzirao je i koordinirao aktivnosti na rasvijetljavanju krivičnih djela u kojima su učestvovali migranti, kojom prilikom su policijski službenici Uprave policije lišili slobode 19 migranata od čega je 12, uz izvještaj o počinjenom krivičnom djelu, predato u nadležnost Kantonalnog tužilaštava Kantona Sarajevo.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



U posmatranom periodu dva migranta su smrtno stradala od posljedice krivičnog djela, odnosno počinjena su dva krivična djela ubistva migranta, a koja su policijski službenici rasvijetlili te, uz izvještaj o počinjenom krivičnom djelu, počinitelje istih predali u nadležnost Kantonalnog tužilaštva Kantona Sarajevo.

Poduzeo je sve potrebne aktivnosti na procjeni stanja sigurnosti, planiranju i neposrednoj realizaciji svih značajnijih javnih skupova na području Kantona Sarajevo, kao što je održavanje manifestacije "Odbrana BiH - Igman 2020", koja je održana u periodu od 05.08 do 07.08.2020 godine, dok je u dane 22. i 23.08.2020 godine osigurano održavanje aktivnosti "BH povorka ponosa". Isto tako, dana 01.08.2020. godine započela je Mtel: BH Premijer liga u fudbalu, kojom prilikom je osigurano odigravanje fudbalskih utakmica na sportskim stadionima "Otoka", "Asim Ferhatović-Hase", i "Grbavica". Navedeni događaji su protekli bez narušavanja javnog reda i mira, ili bilo kakvih drugih incidenata.

Posredstvom Sektora uniformisane policije koordinirao je aktivnosti sa drugim policijskim agencijama i pravosudnim organima na provođenju mjera i radnji bitnih u kontekstu pandemije izazvane koronavirusom (COVID - 19).

U tom smislu je posredstvom Sektora uniformisane policije, po ovoj problematici, upućeno ukupno 26 akata, 37 depeša i 465 e-mailova, kako organizacionim jedinicama Uprave policije, drugim policijskim agencijama u BiH, te prema Federalnoj upravi za inspeksijske poslove i Kantonalnoj upravi za inspeksijske poslove.

Od dana 01.07.2020 godine do 30.09.2020 godine posredstvom Sektora uniformisane policije koordinirao je aktivnosti policijskih uprava, po pitanju izdatih rješenja od strane Federalne uprave za inspeksijske poslove i Kantonalne uprave za inspeksijske poslove, kao i aktivnosti pružanja asistencija - pomoći kantonalnoj upravi za inspeksijske poslove, kojom prilikom su policijski službenici Uprave policije u 16 navrata pružili asistenciju-pomoć, pri inspeksijskim nadzorima na poštivanju higijensko-epidemioloških mjera ugostiteljskih objekata i pri kontroli javnog gradskog saobraćaja.

Uvažavajući i poštujući Naredbu Kriznog štaba Ministarstva zdravstva Kantona Sarajevo broj 45-20/2020 od 04.07.2020. godine, donio je Krizni plan pripravnosti Uprave policije broj 03/2-2997 od 06.07.2020. godine, kojim se, uslijed pogoršane zdravstveno-epidemiološke situacije izazvane epidemijom virusa COVID 19, uspostavlja koordinirano i plansko djelovanje svih ljudskih i materijalnotehničkih sredstava s ciljem stvaranja uslova za efikasnije provođenje higijensko-epidemioloških mjera, kao i mjera predostrožnosti.

Tokom izvještajnog perioda posredstvom Sektora uniformisane policije na teren je uputio ukupno 157 depeša (instruktivne depeše, depeše nalagujećeg karaktera i sl) i ukupno 108 akata.

Takođe je izdao naredbu Sektoru uniformisane policije za vršenje vanrednog unutrašnjeg nadzora u organizacionim jedinicama Uprave policije, radi praćenja stanja o načinu evidentiranja i prijavljivanja događaja sa obilježjem krivičnog djela, a što je naložio depešom u prethodnom periodu. Naprijed navedeno je poduzeo s ciljem praćenja stanja i tačnog i preciznog evidentiranja događaja s obilježjem krivičnog djela.

Kroz svakodnevne kontakte sa rukovodiocem Jedinice za profesionalne standarde, stvarao je uslove



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



za nesmetan i nezavisan rad na provođenju unutrašnjih istraga.

Koordinirajući i usmjeravajući rad mjesno i stvarno nadležnih organizacionih jedinica u Upravi policije osiguravao je zakonit i profesionalan policijski odgovor na sve događaje koji mogu imati bilo kakve implikacije na sigurnost, te je na taj način, davao doprinos poboljšanju sigurnosne situacije na području Kantona Sarajevo.

Postupao je po zahtjevima dostavljenim od strane Komisije za Sigurnost Skupštine Kantona Sarajevo i Nezavisnog odbora i o tome izvještavao navedena tijela, a o značajnim događajima od posebnog interesa za sigurnost građana Kantona Sarajevo, na dnevnoj osnovi je izvještavao ministra.

Sve navedene aktivnosti provodio je s ciljem demokratizacije rada policije, zaštite ljudskih prava i sloboda građana koji žive, borave i kreću se na području Kantona Sarajeva i postizanja što većeg nivoa sigurnosti građana i posjetilaca Kantona Sarajevo.

PREDSJEDNIK NEZAVISNOG ODBORA

Miroslav Kružik, s.r.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1

